

Bretainian beste bi lagun atxilotu dituzte joan den astean hasi operazioaren barne

Poliziak lo zakuak eta beste zenbait gauza aurkitu ditu Pornic-eko etxe huts batean

Erredakzioa / Donostia

Joan den astean Pauen hasitako polizia operazioa oraindik ez da amaitu. Azken atxilotetak atzo goizean egin zituen Frantziako Poliziak. Bretainian izan ziren, eta bikote bat atxilotu zuten. EGUNKARIAK jakin ahal izan duenez, Bertrand Grimaud eta Christelle Barbet dira atxilotuak. Bestetik, Poliziak joan den astean Bretainiako Pleven herrian lapurtutako lehegaiaren bila jarraitzen du.

GRIMAUD eta Barbet atzo goizean atxilotu zituzten Bretainiako Karaezh herrian, beren etxean. Poliziak haien etxea ere miatu zuen. Grimaudek 25 urte ditu eta Breizh Info aldizkarian lan egiten du. Gogoratu Charlie Grall, joan den astean operazio berean atxilotutako kazetari bretoa aldizkari horretako zuzendaria dela. Poliziak Grall atxilotu ostean aldizkariaren egoitza miatu zuen eta zenbait gauza eraman zituen bertatik.

Azken horiekin 12 dira polizi operazio horretan atxilotuak. Lehenengo bederatiak espetxean dira jada astelehenean epailearen aurrean deklaratu eta gero. Jon Bienzobas, Patxi Seguro-



Paue ondoko Idron herriko etxea, lehen atxilotetak egin eta lehegaiaren zati bat aurkitu zuten bertan.

la eta Argi Perurena ustezko ETako kideak, Denis Riou, Alain Sole, Charlie Grall eta Richard Lefauchaux bretoiak, eta Sylvie Artola eta Jimmy Arrabit dira jada espetxean daudenak. Horiek guztiak gaiztagin taldeko kide izateaz akusatuta auzipetu ditu Laurence Le Vert epaileak.

Astelehenean bertan Poliziak Hendaian atxilotutako Mirentxu Gimon euskal herritarrari dagokionez, seguruenik ostiralean dekla-

ratuko du epailearen aurrean. Grimaud eta Barbet Bretainiako atxilotuei buruz ere ez dago berririk, eta litekeena da asteburura arte ez deklaratzeko epailearen aurrean.

Ikerketak jarraitzen du

Poliziak ikerketekin aurrera jarraitzen du oraindik Bretainiako Pleven herriko armategi batetik lapurtutako zortzi tona lehegaietatik, ia erdia berreskuratzeke baitu. Lapurreta egiteko erabili kotxeeta-

tik bi Nantesen lapurtu zituzten polizi iturrien arabera. Bestetik, Pornic-en, Nantetik 40 kilometrora dagoen herrian, etxebizitza bat aurkitu zuen Poliziak duela hiru egun. Hutsik zegoen, baina lo zakuak eta beste zenbait gauza aurkitu zituzten, bertakokak presak alde egin izan balute bezala.

Egunotan Bretainian zein Iparraldean mobilizazioak ari dira egiten atxilotuen alde. Atzo Hendaian egin zuten bilkura.

Villabona eta Malagako euskal presoek bizi baldintzek okerrera egin dute

■ Ocaña len, aldiz, euskal presoak modulu bakar batean elkartu dituzte

Erredakzioa / Donostia

MALAGA eta Villabonako (Asturias) espetxeetan dauden euskal presoek bizi baldintzek okerrera egin dute. Malagako bost presoek, beraz, protesta hasi dute, txapeo mugagabe bat hasiz. Ziega senideak ikusteko bakarrik uzten dute. Modulu batean elkartzea, ekonomatara joateko debekua kentzea eta ur beroarekin dutxatzen uztea eskatzen dute.

105 euskal presoren espetxe aldaketen ostean Villabonara eraman zituzten hiru euskal presok ere baldintza gogorak pairatzen dituzte. AABen arabera, irailaren 23an espetxe horretara iritsi zirenetik, komunikazioak interbenituta dituzte, katxeo etengabeak pairatzen dituzte eta hamar metro koadro eskaseko patio batetara ateratzen dituzte. Bestalde, Ocaña I espetxeko zortzi euskal presoak modulu batean elkartu dituzte, irailaren 6an hasitako txapeoari esker.

Fresneseko euskal presoek gose greba hasi dute Sorzabalekin elkartasunean

Erredakzioa / Donostia

FRESNESEKO hamar euskal presoek gose greba bati ekin zioten herenegun, espetxe berean dagoen Iratxe Sorzabalekin elkartasunean. Fresnese-ko presoek euskal herritarren euren herrian bizitzeko duten eskubidea aldarrikatzen dute. Sorzabalek irailaren 28an ekin zion gose grebari. Izan ere, urriaren 12an Parisko Apelazio Gorteak Sorzabalen behin betiko epaia kaleratuko du, eta horren arabera Irungo presoak beteta izango du zigor osoa. Epaia ezagutzeko, litekeena da Frantziak Sorzabal Espainiara kanporatzea. Aurten kanporatzen duten zortzigarren euskal presoak litzateke.

Bi eta bederatzi urte bitarteko zigorrak jarri dizkie hamaika laguni Pariseko Auzitegi Korrekzionalak

■ Berruete ez beste gainontzekoei Frantziako Estatuan egoteko betirako debekua ere jarri diete

Erredakzioa / Donostia

PARISEKO Auzitegi Korrekzionalak atzo kaleratu zuen 12 euskal herritarren kontrako auziaren epaia. Bi dossier ezberdinetan epaitu bazituzten ere, bata bestearekin lotura zuen. Lehenengo dossierrean, Jose Ramon Naveiro, Idoia Martinez eta Roberto Murgiondo euskal presoak epaitu zituzten. Hirurak 1997ko azaroan atxilotu zituzten Arroxelan. Fiskalak hamarna urteko zigorra eskatu zuen, baina atzo kaleratu epaiaren arabera, Naveirori eta Murgiondori bederatzina urteko zigorra jarri die-

te, eta Martinezzi zazpikoa. Guztiei gaiztagin elkarteko kide izatea egotzi diete.

Auzi berean epaitu zituzten irailaren 13an, ustez ihesean dauden Javier Abaunza, Patxi Rementeria eta Sergio Polo, azken hori Espainian espetxeratuta dagoen arren. Abaunza eta Polori lau urteko zigorra jarri diete eta Rementeriarri sei urtekoa. Yolanda Berruete —egun Hendaian bizi den deportatu ohia— ere egun horretan epaitu zuten, eta bi urteko zigorra jarri diote sursiarekin, beraz ez du espetxera sartu beharko.

Irailaren 14an beste dossier batekin lotuta epaitu

zituzten Rufino eta Maria Jesus Arriaga neba-arrebak, Gorka Martinez eta Xabier Irastorza. Horiek ere 1997ko azaroan atxilotu zituzten Orleansek, Arroxelako atxilotetak izan eta lau egunera. Maria Jesus Arriagari zortzi urteko zigorra jarri diote. Rufino Arriagari eta Xabier Irastorzari zazpina urteko zigorra eta Gorka Martinezzi sei urtekoa. Horiei ere gaiztagin taldeko kide izatea leporatu diete. Auzi berean ustez ihesean den Julia Moreno epaitu zuten, baina hori errugabe jo du auzitegiak.

Berruete ezik, gainontzeko guztiei espetxe zigorrak gain

Frantziako Estatuak egoteko betirako debekua jarri diete.

Yolanda Molina abokatuak epaia jakin ostean azaldu zuen «zigorrak biziki gogor-rrak» direla. Epai horrek azken gertaerekin lotura izan dezakeela iritzi dio Molinak, bere hitzetan, ez baita normala horrelako zigorrak jartzeko.

Halaber, abokatuak jakinarazi zuenez, Maria Jesus Arriaga epaia jakinarazteko kartzelatik epaitegira eraman zutenean funtzionario batek aurpegian jo zuen. Epaitegira heltzean izan zen gertaera, eta Molinak salaketa aurkeztuko duela iragarri zuen.